



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726 400  
fax. +387 33 726 423  
e – mail: [info@voda.ba](mailto:info@voda.ba)

Broj: **UP-1/21-3-40-615-4/21**  
Datum: **25.02.2022. godine**

«Agencija za vodno područje rijeke Save» Sarajevo rješavajući po zahtjevu Investitora Farma za uzgoj peradi vl. Turbić Almas iz Gradačca za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov brojlera u naselju Vučkovci, grad Gradačac, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

### **R J E Š E N J E** **o vodnoj dozvoli**

1. Investitoru Farma za uzgoj peradi vl. Turbić Almas iz Gradačca daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov brojlera, kapaciteta 30.000 brojlera/turnus, izgrađenog u naselju Vučkovci, na zemljištu označenom kao k.č. broj: 2934/1, 2934/2 i 2935 K.O. Vučkovci, grad Gradačac.
2. Vodna dozvola se daje na osnovu pregleda dostavljene dokumentacije, uviđaja na objektu, utvrđenog činjeničnog stanja i uz sljedeće uslove:
  - 2.1. Da se upotreba i korištenje predmetnog objekta farme vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
  - 2.2. Da se u roku od 2 (dva) mjeseca od dana izdavanja ovog rješenja izvrši blindiranje ispusta iz septičke jame, kako je to predviđeno dostavljenom projektnom dokumentacijom.
  - 2.3. Da se spriječi nekontrolisano rasipanje tečnog i krutog otpada po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta vode za piće, a u cilju zaštite površinskih i podzemnih voda.
  - 2.4. Da korisnik obavezno praktikuje suho čišćenje prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
  - 2.5. Otpadne vode koje nastaju u toku pranja objekta nakon završenog turnusa će se nakon blindiranja ispusta naloženog tačkom 2.2. dispozitiva ovog Rješenja, prikupljati u sabirnu/osočnu jamu bez ispusta koja će se povremeno po potrebi čistiti.
  - 2.6. Čišćenje i pražnjenje vodonepropusne sabirne jame može vršiti isključivo firma ovlaštena za tu vrstu djelatnosti, prema posebnom ugovoru.
  - 2.7. Objekte čija je svrha odvođenje i prikupljanje otpadnih voda treba redovno održavati i koristiti na način koji će obezbijediti njihovu potpunu ispravnost i funkcionalnost.
  - 2.8. Da se privremeno i trajno zbrinjavanje otpada od uginulih pilića i drugih nusproizvoda vrši u skladu sa Zakonom o veterinarstvu, Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
  - 2.9. Ne dozvoljava se odlaganje na otvorenom prostoru i unošenje opasnog i neopasnog otpada, koji nastaje kao nus produkt u procesu rada farme, u vodotoke i obale rijeka.
  - 2.10. Investitor je obavezan pridržavati se svih mjera i uslova, propisanih u saglasnostima i dozvolama, izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine

Federacije BiH", broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
8. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
9. U ovoj upravnoj stvari plaćene su sve upravne takse.
10. Ova vodna dozvola, shodno članu 117. stav 1. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **O b r a z l o ž e n j e**

Investitor, Farma za uzgoj peradi vl. Turbić Almas iz Gradačca, dana 28.12.2021., podnio je zahtjev za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme za tov brojlera, kapaciteta 30.000 brojlera/turnus, izgrađenog u naselju Vučkovci, na zemljištu označenom kao k.č. broj: 2934/1, 2934/2 i 2935 K.O. Vučkovci, grad Gradačac.

U provedenom postupku dostavljena je i pregledana sljedeća dokumentacija:

- Ovjerena kopija lične karte Investitora,
- Ovjerena kopija Rješenja o odobrenju obavljanja djelatnosti broj: 03/1-21-564/10 od 11.03.2010. izdatog od Općinske službe za komunalne poslove i poduzetništvo Općine Gradačac,
- Ovjerena kopija Uvjerenja o poreznoj registraciji izdatog od Porezne uprave FBiH-Kantonalni porezni ured Tuzla od 15.03.2010.,
- Ovjerena kopija Obavještenja o razvrstavanju obrta prema djelatnosti broj: 04-32.5-1-4310344180001/10 od 15.03.2010. izdatog od Službe za statistiku za područje Tuzlanskog kantona,
- Dokaz o uplaćenju upravnoj taksi,
- Kopija Rješenja o okolinskoj dozvoli broj: 12/01-1-23-005860/16 od 12.10.2016. izdatog od Ministarstva prostornog uređenja i zaštite okolice Tuzlanskog kantona,
- Kopija Rješenja o vodnoj dozvoli broj: 04/1-13-25-13475/13 od 22.07.2013. izdatog od Ministarstva poljoprivrede, šumarstva i vodoprivrede Tuzlanskog kantona,
- Ovjerena kopija Rješenja o vodnoj dozvoli broj: UP-I/25-3-40-169-4/16 od 14.07.2016. izdatog od «Agencija za vodno područje rijeke Save» Sarajevo,
- Kopija Ugovora o kupovini robe (iskorištena prostirka) zaključen dana 10.08.2021. sa «AGROLIFE» d.o.o. Gradačac,
- Kopija Ugovora za zbrinjavanje uginulih životinja, animalnog i sličnog otpada zaključenog dana 31.07.2021. sa JKP «ČISTO» d.o.o. Doboj Istok,

- Kopija Ugovora o poslovnoj saradnji (čišćenje septičke jame) broj: 03/01-22 od 12.01.2022. zaključen sa «HEMO-PRAL» d.o.o. Modriča,
- Kopija Izvještaja-potvrde o izvršenim poslovima i kopija računa za izvršene poslove izdatih od «HEMO-PRAL» d.o.o. Modriča,
- Izvještaj o monitoringu kvaliteta i kvantiteta otpadnih voda farme za uzgoj peradi, vl. Turbić Almas, Vučkovci, Gradačac broj: 1480/21, oktobar 2021., urađen od «Inspekt-RGH» d.o.o. Sarajevo (na uvid),
- Projekat prikupljanja, zbrinjavanja i upravljanja otpadnim vodama za izgrađeni poslovni objekat farme za tov brojlera na parceli označenoj sa k.č. br. 2935, k.č. br. 2934/1, k.č. br. 2934/2 katastarska općina Vučkovci općina Gradačac broj: 06/8-246-1/11, april 2011., urađen od Rudarsko-geološko-građevinskog fakulteta Tuzla (na uvid).

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj: 31/15, 55/19 i 41/20), izvršen je obilazak predmetnog objekta i tom prilikom je sačinjen Zapisnik o uviđaju broj: UP-1/21-3-40-612-3/21 od 23.02.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Objekat farme za tov pilića izgrađen je u naselju Vučkovci, grad Gradačac. Objekat za uzgoj je P+1. Kapacitet farme je do 30.000 brojlera/turnus.
- Za predmetni objekat ranije je od strane ove Agencije doneseno Rješenje o vodnoj dozvoli broj: UP-I/25-3-40-169-4/16 od 14.07.2016.. Navedenim Rješenjem o vodnoj dozvoli, tačkom 2.2. Dispozitiva Rješenja je dat uslov da se izvrši blindiranje ispusta iz septičke jame.
- Otpadne vode od pranja objekta nakon završenog turnusa se prikupljaju sistemom slivnika i kanalizacione mreže i odvođe do armirano-betonske septičke jame sa ispustom u bezimenu potok. U septičku jamu se prikupljaju i sanitarno-fekalne otpadne vode. U toku uviđaja na uvid je dostavljen Izvještaj o monitoringu kvaliteta i kvantiteta otpadnih voda urađen od «Inspect-RGH» d.o.o. Sarajevo. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.
- Đubrivo se nakon završenog turnusa odvozi na preradu u pogon za proizvodnju šampinjona, u skladu sa potpisanim ugovorom, bez zadržavanja na otvorenom prostoru farme.
- Snabdijevanje vodom je obezbijeđeno sa mjesnog vodovoda.

Na osnovu dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama članova 53. i 116. Zakona o vodama, člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je Investitor Farma za uzgoj peradi vl. Turbić Almas iz Gradačca, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada objekta farme, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije, broj: UP-1/21-3-40-612-2/21 od 05.01.2022.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).


### Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta: Sanja Miličić, građ.ing.

Po ovlaštenju:  
Rukovodilac sektora za izdavanje  
vodnih akata

  
Haris Ališehović, dipl.inž.građ.

Dostaviti:

- Farma za uzgoj peradi vl. Turbić Almas  
Vučkovci bb, 76250 Gradačac
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava